



Broj: 10/E-11-3630/22

Sarajevo, ~~22-06-2022~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova II imenovana rješenjem broj: 10-45-1840/22 od 22.02.2022. godine i broj: 10-45-1840/22-1 od 24.03.2022.godine u daljem tekstu: Komisija II, u postupku javne nabavke za izvođenje radova na sanaciji mosta Festina Lente, putem otvorenog postupka, (Zapisnik o pregledu i ocjeni ponuda broj: 10/E-11-3630/22 od 16.06.2022.godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „**DINALSA**“ d.o.o. Sarajevo, ul. **Huseina Đoze br.3, 71 000 Sarajevo**, broj: 0275/22 od 07.06.2022.godine, za dodjelu Ugovora za izvođenje radova na sanaciji mosta Festina Lente, putem otvorenog postupka, **u ukupnom iznosu od 342.619,20 KM bez PDV-a odnosno u iznosu od 400.864,46 KM sa PDV-om.**
- II.** Izabrani ponuđač je dokaze iz tačke 1.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol Ugovornog organa. (originale ili ovjerene kopije).
- III.** Ova odluka stupa na snagu danom donošenja i dostavlja se ponuđačima učesnicima u postupku javne nabavke u roku od 7 dana, shodno članu 71. Zakona.
- IV.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku za izvođenje radova na sanaciji mosta Festina Lente, putem otvorenog postupka, pokrenut je Posebnom Odlukom Opštinskog načelnika o pokretanju postupka broj: 10/E-11-3630/22 od 20.05.2022.godine, broj Obavještenja na Portalu javnih nabavki: 848-1-3-92-3-47/22 od 23.05.2022.godine.

Procijenjena vrijednost javne nabavke iznosi 392.000,00 KM (bez PDV-a).

U određenom roku za predaju ponuda, 08.06.2022. godine do 13,00 sati, dostavljene su 2 (dvije) ponuda, i to od ponuđača: 1. „UNIONINVEST“ d.d. Sarajevo i 2. „DINALSA“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitani su cijena ponuda i rok izvođenja radova, kao kriteriji „ekonomski najpovoljnije ponude“, kako slijedi:

r/b	Ponuđač	Ukupna cijena ponude za bez PDV-a	Popust	Ukupna cijena u KM sa PDV-om	Rok izvođenja radova (kalendarski dan)
1.	„UNIONINVEST“ d.d. Sarajevo	549.231,47	-	642.600,82	90
2.	„DINALSA“ d.o.o. Sarajevo	341.833,20	-	399.944,84	30

Nakon izvršenog otvaranja ponuda Komisija II je pristupila detaljnoj analizi dokumentacije priložene uz ponudu u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima. Komisija II je uvidom utvrdila da dostavljene ponude ispunjavaju formalno pravne, ekonomske i tehničke uslove, odnosno zahtjeve Ugovornog organa.

Prilikom detaljne računске kontrole zaprimljenih ponuda, Komisija II je uputila dopis za izjašnjenje o računskim greškama ponuđaču „DINALSA“ d.o.o. Sarajevo. U ostavljenom roku ponuđač „DINALSA“ d.o.o. Sarajevo je dostavio svoju saglasnost na ispravke, o čemu je obaviješten ponuđač „UNIONINVEST“ d.d. Sarajevo, te je analiza prihvatljivih ponuda u skladu sa kriterijem za izbor ponude „ekonomski najpovoljnija ponuda“, sa podkriterijima: cijena 95% i rok izvođenja radova 5%, u skladu sa članom 64. stav 1. tačka a) kako slijedi:

r/b	Ponuđač	Ukupna cijena ponude za bez PDV-a	Popust	Ukupna cijena u KM sa PDV-om	Rok izvođenja radova (kalendarski dan)
1.	„UNIONINVEST“ d.d. Sarajevo	549.231,47	-	642.600,82	90
2.	„DINALSA“ d.o.o. Sarajevo	342.619,20	-	400.864,46	30

Komisija II je 13.06.2022.godine od ponuđača „DINALSA“ d.o.o. Sarajevo tražila obrazloženje ukupne cijene u skladu sa članom 66. Zakona o javnim nabavkama („Službeni glasnik BiH“, broj 39/14), te članom 17. stav (7) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15).

U ostavljenom roku ponuđač „DINALSA“ d.o.o. Sarajevo je dostavio obrazloženje o gore navedenom koje je Komisija II prihvatila, o čemu je obaviješten ponuđač „UNIONINVEST“ d.d. Sarajevo.

Komisija II je izvršila bodovanje prihvatljivih ponuda po osnovu dva podkriterija „ekonomski najpovoljnije ponude“, primjenom odgovarajuće formule za obračun bodova sadržane u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijih ponuđača, kako slijedi:

KRITERIJ „ekonomski najpovoljnija ponuda“	„UNIONINVEST“ d.d. Sarajevo	„DINALSA“ d.o.o. Sarajevo
Cijena 95%	$342.619,20/549.231,47 \times 95 = 59,26$	$342.619,20/342.619,20 \times 95 = 95$
Rok izvođenja radova 5%	$30/90 \times 5 = 1,66$	$30/30 \times 5 = 5$
UKUPNO	60,92	100

Nakon bodovanja po osnovu utvrđenih podkriterija „ekonomski najpovoljnije ponude“ (cijena 95%, rok izvođenja radova 5%), izvršeno je rangiranje ponuda:

RANG	PONUĐAČ	UKUPNA CIJENA PONUDE BEZ PDV-A
1	„DINALSA“ d.o.o. Sarajevo	342.619,20
2	„UNIONINVEST“ d.d. Sarajevo	549.231,47

Komisija II je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Prvorangiranog ponuđača „DINALSA“ d.o.o. Sarajevo, ul. Huseina Đoze br.3, 71 000 Sarajevo, broj: 0275/22 od 07.06.2022.godine, za dodjelu Ugovora za izvođenje radova na sanaciji mosta Festina Lente, putem otvorenog postupka, u ukupnom iznosu od **342.619,20 KM bez PDV-a odnosno u iznosu od 400.864,46 KM sa PDV-om.**

Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije II, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 3.500,00 KM u skladu sa članom 108. stav (1) tačka d) Zakona.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-3630/22 od 16.06.2022.godine



DOSTAVITI:

1. Ponuđačima:
 - „UNIONINVEST“ d.d. Sarajevo, ul. Grbavička br. 4, 71 000 Sarajevo
 - „DINALSA“ d.o.o. Sarajevo, ul. Huseina Đoze br.3, 71 000 Sarajevo
2. Službi za prostorno uređenje i investicije
3. Kabinetu općinskog načelnika – Odsjek za javne nabavke
4. Službi za finansije
5. Arhivi